

Sumk'uub'ank re li awa'bejilal 220-2012

Watemaal , 5 xb'e li Po Septiembre re 2012.

Li awa'b'ejil re li tenamit.

Nawno :

Naq li naaxaqab' li chaq'rab' chi rix k'anjelak sa' xmolamil aj k'ak'lenel, naxtuqub' eb' li k'anjel chi rix li nake'okenk xjunes rib' malaj aj na'onel chaq'rab' sa' xmolamil laj k'ak'alenel.

Jo'ka'an aj wi', xxaqab'ankil eb' li k'anjel li tb'aanu li xmolamil li na'okenk chi k'anjelak jo' k'ak'alenel sa' li xraqalil jo' aj k'ak'alehom, xkolb'al, xk'amok tumin, xk'ak'alenkil, k'anjelob'aal, ut xkokok esil chi rix k'ak'alenk ut tz'ilok sa' eb li na'ajej moko re awa'b'ej. Jo' aj wi' eb' li k'iila k'anjelob'aal re rilb'a' ut tz'ilb'al rix.

Nawno:

Li k'iila k'anjel li naxk'e li xmolamil aj k'anjel re k'ak'alenk, te'xpatz' li xtumin re li junjunq chi k'anejl, aran nasiyaak chaq xb'aanunkil li us chi ru chaq'rab' .

Jo'ka'an utan.

Sa' xb'aanunkil li k'anjel tene'b'anb'il sa' xb'een jo' naxye li raqalil 183 re li xch'ol e) re li xna' li chaq'rab' re li Tenamit Watemaal ut naxkutu rib' rik'in li raqal b'eleeb'xkaak'aal, chaq'rab' chi rix k'anjelak sa' xmolamil aj k'ak'lenel ruq'um chaq'rab' 52-2010 re li xmolamil aj k'uub'anel chaq'rab'.

Naxsumk'uub'a

Xchaq'b'enkil li k'a'uxl a'in.

Li sumchi'il chaq'rab' a'in re li molok toj re re aj k'anjel sa' xmolamil aj k'ak'alenel.

Raqal Jun (1). Rajom

Eb' li k'anjal naxb'aanu li re li xmolail aj k'ak'alene, tk'ul xtuminal li naxch'olob' sa' li sumchi'il chaq'rab' re molok toj, li tumin li fixk'ul li xmolamil sa' molb'al li tumin txik cho'q re li k'anjal, k'a'aq re ru ut xchaab'ilob'resinkil.

Raqal Kiib' (2) Xyaalalil .

Re xk'anjelankil li sumchi'il chaq'rab' a'in ttawlimanq ru

- a. Tojleb' naxxaqab' li chaq'rab' xtojb'al laj k'anjal moko re saab'esink awimq re lajeeb' xka'k'aal kutank naq rajal hab' naxsumk'uub li xk'uub'laj li awa'b'ejilal.
- b. Xuhil re k'anjelak: xsumenkil xk'eeb'al xb'aan li xmolamil nak'anjelak chi rix k'ak'alenk rebeb' li poyanam aj na'onel chaq'rab' ut xjunes rib' li nake'okenk chi k'anjelak jo' aj k'ak'alenel.
- c. K'iila K'anjal: a'an li k'anjal nake'xb'aanu li poyanam aj na'onel chaq'rab' malaj xjunes rib' re xkolb'aleb' li poyanam, k'a'aq re ru tumin ut ochochnaal re jalan chik ut k'iila molam, re awa'b'ej malaj re jalan chik re xchaab'lobresinkil ut lix xwaklesinkil li xk'anjal chi chaab'il li nab'aanumank chi ru awa'b'ej malaj sa' ab'laj na'ajej
- d. Xmolamil : xmolamil aj k'ak'alenel

Raqal Oxib' (3) xhuhilli k'anjelak

Eb li ch'uut nake'okenk chi k'anjelak jo aj k'ak'alenel , te'ruhanq chi xb'aanunkil jun malaj nab'al li k'anjal a'in.

- a. Xk'ak'alenkil malaj rilb'al, xkolb'aleb' li poyanam ut k'a'aq re ru tu ch'och';
- b. Xk'ak'alenkil malaj rilb'al xkolb'al sa' xk'amb'al eb' li poyanam ut k'a'aq re ru chi ru ch'och', chi ru iq', chi ru ha' malaj chi ru palaw.
- c. Xk'ak'alenkil malaj rilb'al ut xkolb'al naq t-okenk chi k'anjelak li poyanam malaj b'eeleb'aal ch'iich', sa' na'ajej ak' xaaqab'anb'il re wi' xk'ehe'k xk'anjal.
- d. Xaaqab'ankil re xk'ulb'al esil, rilb'al ut xnumsinkil eb' esil naxk'e li kamal ch'iich ut sunwank rik'ineb' li k'iila molam re k'ak'alenk, jo' li k'anjelak chi rix yehok esil .

- e. Xk'uub'ankil ut xch'olob'ankil eb' li k'anjal chi rix k'ak'alenk yeeb'il sa' li chaq'rab' a'in .
- f. Roksinkil ut rillb'al eb' b'oqleb'aal, kamal ch'iich sa' iq', putktesib'aal aatin malaj k'anjelob'aal re xk'olb'aleb' li poyanam ut k'a'aq re ru.
- g. Xtz'ib'al rix eb' li b'aanuhem li nawank sa' molam, rik'in rajb'al ut xtawb'al ut k'eeb'al resilal chi rix li xwanjik malaj b'aanuhem nawank sa' muqmu.
- h. Xsik'bal aj k'anjal xkawresinkil, xyalb'al ru ut sik'ek ru xb'aan li xmolamil na'ilok re aj k'anjal, re naq te'okenq cho'q aj k'ak'alenel .
- i. Xk'ak'alenkil malaj rillb'al, xkolb'al sa' xb'eeresinkil li tumin chi ru b'e, chi iq', chi ru ha' , malaj chi ru palaw. Ut
- j. Wank chi k'iila k'anjal naxk'ul rib' rik'in li k'ak'alenk ut nake'xb'aanu tz'aqal chi yaal li chaq'rab' .

Raqal kaahib' (4) Xtojb'al tk'ul.

Xb'aan li k'anjal nake'xb'aanu, li xmolamil aj k'ak'alenel taapatz'manq reheb' chi jo'ka'in.

- a. Li xhuhil re k'anjelak reheb' li ch'uut nake'okenk chi k'anjelak cho'q aj k'ak'alenel, chi ru oxib' hab' re li junjunq chi k'anjal jo' yeeb'il sa' li raqal oxib' re li sumch'il chaq'rab' wanq jun xtz'aq re waqxalju chi tojleb' jo naxxaqab' li chaq'rab'.
- b. Li xhuhileb' li k'anjal reheb' li poyanam xjuneseb' rib' re naq te'okenq cho'q aj k'ak'alen re taaqenq, chi ru oxib' hab' wank jun xtojb'al re oxib' chi tojleb' jo' naxxaqab' li chaq'rab' .
- c. Li xhuhileb' li k'anjal reheb' li poyanam sa' juneseb' rib' re naq te'okenq cho'q aj tz'ilonel sa' muqmu, chi ru oxib' hab' wanq jun xtojb'al re waqib' chi tojleb' jo naxxaqab' li chaq'rab' .
- d. Xk'eeb'al reetalil laj k'anjal, aj kawresinel ut eb' xookol esil chi aj k'ak'alenel, chi ru oxib' hab' wanq jun xtz'aq re o'laju(15%) re li junjunq chi tojleb' jo' naxye li xchaq'rab'il.

Raqal oob' (5) X'ak'ob'resinkil.

Li x'ak'ob'resinkil eb' li xhuhil re k'anjelak, xhuhileb' li poyanam xjuneseb' ut xq'atesinkil reheb' li xmolamil aj k'ak'alenel, tixjachi li tojleb' jo' yeeb'il sa' li raqal kaahib' re li sumchi'il chaq'rab' a'in

Raqal Waqib' (6) okenk sa' xb'eeresinki k'iila k'anjal.

- a. Eb' k'iila k'anjal sa' xb'eeresinkil li naxk'e li xmolamil aj k'ak'alenel tpatz'manq rik'ineb' li k'a'uxl a'in.
- b. xnumsinkil ut sumenkil re
Li xjalanik re li xhuhil naq xtikib'amank eb' li ch'uut nake'okenk chi k'anjalak chi k'ak'alenk wanq xwankil re jun tojleb' jo' naxxaqab' li chaq'rab' .
- c. xnumsinkil re sumenkil re xch'utub'ankil ut xq'axtesinkil eb' li ch'uut nake'okenk chi k'anjalak chi rix k'ak'alenk, li xb'ihomal junaq li ch'uut na'okenk chi k'anjalak chi rix k'ak'alenk, rik'in junaq juntaq'eetaq li yo'lajik, jo' xloq'b'al ut xk'ayinkil re junaq nimaq li xb'irb'al ut k'eeb'ilaq li tz'aq re oob' chi tojleb' re jo naxxaqab' li chaq'rab';
- d. Xnumsinkil re sumenkil li loq'b'il malaj xq'axtesinkil li xtuminal , wanq jun xtz'aq re lajeeb' (10%) li xk'ihali tumin chaq'b'enb'il.
- e. Xnumsinkil li x'ak'b'resinkil li xhuhil sa' risinkil junaq aj tenq' re junaq ch'uut na'okenk chi k'anjalak cho'q aj k'ak'alenel wanq jun xtz'aq lajeeb' (10%) sa' xb'een li tojleb' jo' naxxaqab' li chaq'rab'
- f. Xnumsinkil li rak'ob'resinkil ut li xjachb'al junaq li ch'uut li naokenk chi k'anjalak chi rix k'ak'alenk, wanq jun xtzaq kiib' chi tojleb' jo' naxxaqab' li xchaq'rab'il .
- g. Xnumsinkil li na'ajmank re sumenkil li nake'ok malaj li ink'a' nachaq'b'eed li xjalanik malaj xjalg'al li xb'aatal ut eetalil nak'utuk re jo'ka'an aj wi' k'eeb'ilaq jun xtojb'al re jo' naxxaqab' li chaq'rab' .
- h. Li xhuhil chi junil malaj chi jachjook ru li xtusulal li hu wanq jun xtzaq re laajeb' (10%) re li tojleb' jo naxxaqab' li chaq'rab'. Ut.
- i. Li reeqaj li reetalil wanq jun xtzaq re oob (5%) re li tojleb' li naxxaqab' li chaq'rab'.

Chi jachjook ru li xtojb'al tk'ul jo xxaqab'anb'il sa' li sumchi'il chaq'rab' li xmolamil patz' xtojb'al chi jach ook ru eb' sachomq re xpukankil li hu patz'b'il, li moko naruuk ta nanume'k xtz'aq jo nak'ayimank ut moko naruhank ta nanume'k li xtz'aq sa' xpukankil li resilal.

Raqal wuqub' (7) xtuminal na'ok.

Eb' li xtuminal nake'chalk jo yeeb'il sa' li raqal 4-5 ut 6 re li sumchi'il chaq'rab', nake'xk'uub' xtuminal ak re li wi' li xmolamil aj k'ak'alenel li wank rub'el xwankil li xmolamil aj k'ak'alenel, ut t-oksimanq

jo' naxchaq'b'e li sumchi'il chaq'rab' re li xchaq'rab'il li sachomq

Raqal waqxaqib' (8) Chank ru li tojleb'.

Li nake'okenk sa' li xmolamil aj k'ak'alenel re li Xmolamil aj k'ak'alenel re li awa'b'ejila, te'xtoj xtz'aq li k'anjal chi tuminal malaj chank ru tchaa'b'eek xb'aan li k'uuleb'aal tumin li tkutunq re li xchaq'b'enkil li tumin, li k'uuleb'aal tumin wank roq ruq'm yalaq b'ar sa' li tenamit, li xmolamil yaal re b'ar tk'ul li tumin sa' junaq xoleb'aal b'ar wi truuq chi isiik ayaal naxye chank ru xtikib'amank chaq wank resilal ut sumenkil xb'aan b'irol tumin ut k'uuleb'aal tumin re Watemaal, li poyanam tk'ut li xuhil naq xkanab' li tumin ut tk'e'eq junaq xuhil xb'aan li xmolamil li natz'ilok rix li sachomq

Raqal b'eleeb' (9), xtz'ib'ankil li tumin na'ok

Li tumin ak re wi' na'ok chaq ut nak'ulmank xb'aan li xmolamil aj k'ak'alenel , nunsimb'ilaq xb'aan li k'uuleb'aal tumin re junaq aj k'ulul tumin re K'uuleb'aal tumin re Watemaal sa' mu esilal sa' li ajl 111798-5 awa'b'ejil re li tenamit FONDO COMUN DE INGRESOS PRIVATIVOS TESORERIA NACIONAL , li tumin na'ok chaq tz'ib'anb'ilaq sa' xtusulal SISTEMA DE CONTABILIDAD INTEGRADA SICOIN. Sa' jun li k'uuleb'aal li nab'aanuk re na'oksink re chaq re li tumin jo' jun xcha'al li molam.

Raqal Lajeeb' (10) xk'anjelankil li tumin na'ok chaq.

Re xk'anjelankil chaq li tumin nak'ulmanq jo' naxxaqab' li sumchi'il chaq'rab' a'in, li xmolamil laj k'ak'alenel, tixb'aanu jun reetalil re jun hab' re chi xjunil li tumin ki'ok chaq ut chi xjunil li sachomq, naq xmolamil li sachomq tixxaqb' jo'khal li tumin tk'anjelamanq jo' naxxaqab' li xtusulal xk'anjelankil li xb'irb'al .

Raqal junlaju (11). Xk'ak'alenkil ut xtz'ilb'al rix li xtuminal.

Li xmolamil, tixk'uub' resilal li xwanjik li xmolamil re naq tz'ilmanq rix li xtab'ru chanq' ru na'ok chaq li tumin re rilb'al li sachomq. Li tz'ilb'al rix li tumin na'ok chaq li naxjultika li sumk'uub' a'in b'aanunb'ilaq xb'aan li xmolamil li natz'ilok li sachomq .

Raqal kab'laju (12) yu'am li chaq'rab'.

Li sumk'uub' ttikib' wank xwankil jun kutank naqp xpuktesimank resil chi tz'ib'anb'il sa' esil re awa'b'ejilal

B'oqon

OTTO FERNANDO PEREZ MOLINA

HÉCTOR MAURICIO LÓPEZ BONILLA
Aj jolominel re k'ak'alenk

Aj tz'ib'anel re li awa'b'ejilal

GUSTAVO ADOLFO MA